

千甃亭磚續錄

千巖亭專續錄卷之三

存齋雜纂之三

歸安陸心源剛甫纂

晉二

晉永安專

長一尺九分厚一寸四分文曰永安元年六月十五
五口造作作字半泐五字下缺一字俱反文出武
康

又長一尺一寸五分厚一寸七分文曰永安二年
傳冢發上端富貴二字永安二三字一格年傳二
字一格冢發二字一格出烏程傅氏墓專也永作

二作尸傳作傳年作丰發作𠂔富作同皆隸變也發謂發迹也亦頌禱之詞司馬相如封禪文公劉發跡于西戎楊雄解嘲驃騎發跡于祁連後漢書耿弇傳今將軍攻祝阿以發跡晉書石勒載記劉琨遺勒書曰將軍發迹河朔是其証今俗有寅葬卯發之語

又長九寸三分厚一寸八分文曰永安二年太歲在丙子七月下漫滅下端朱信立作四字永字七字反文出長興朱氏墓專也朱信無攷

晉永興專

長一尺二分厚一寸五分文曰永興二年九月庚寅朔三日壬子作出烏程案通鑑目錄永興二年九月庚寅朔與此合壬子當爲廿三日匠人誤脫廿字也

又長四寸七分厚一寸五分文曰永興三年下斷上端古泉文出烏程

又長一尺二寸五分厚一寸五分文曰永興三年閏月甲申朔廿日出武康案永興三年卽光緒元年是年閏八月甲申朔與通鑑目錄合永作汎又長一尺二寸四分厚一寸六分文曰永興三年

潤月廿日作下端歲在壬寅出武康案是年歲在
丙寅今作壬寅匠人誤記也閏作潤同聲通借也
案說文閏餘分之月五歲再閏告朔之禮天子居
明堂閏月居門中从王在門中潤水曰潤下从水
閏聲然古字雖可通借無借潤爲閏者此專其僅
見也

晉永嘉專

長九寸九分厚一寸三分上端文曰永嘉元年右
側文曰太歲在丁卯太陰在乙丑壬子下端龍形
出烏程毘山前錄所見祇得下半截故疑爲漢物

今得全專乃知太歲太陰並紀晉世尙行也

又長八寸七分厚一寸五分文曰永加元年八月
十日凡八字出烏程

又長一尺五分厚一寸四分左側文曰晉永嘉元
年其歲在丁卯所作右側元康□年上端九月十
日孤子錢下端萬歲二字出烏程錢氏墓專也後
人誤合二範爲一耳

又長一尺厚一寸四分左側文曰永嘉元歲在丁
卯九月一日作右側文曰晉國司馬釋見前錄永
作元俗書之省文也

又長一尺二分厚一寸五分左側文曰永嘉元年
八月十日立功右側文曰吳興烏程俞道由兄弟
上端文曰俞道初下端文曰治作之出烏程釋見
前錄嘉作嘉說文嘉从豈加殸篆隸相同專增作
嘉漢碑所無晉世變體也吳作吳與黃龍三年吳
家冢專同興作興建興大興各專往往如此皆匠
人不知字義而妄爲之烏作烏與綬民校尉熊君
碑烏乎君兮之烏相近亦隸變也

又一範長一尺厚一寸五分文同上

又長一尺二分厚一寸五分四面文曰永嘉元年

八月十日立功吳興烏程俞道兄弟俞道初治作之見前錄吳作昇从日从丌漢晉間俗字愈變而字之本義愈失此較長說文解字所由作也

又一範長一尺厚一寸六分文同上

又長一尺厚一寸三分文曰永加元年其歲在口卯錢卅上端萬歲二字出烏程錢世造專者之姓名

又長七寸五分厚一寸三分文曰永嘉二年八月歲在下斷出武康

又長一尺二分厚一寸七分文曰永嘉二年吳文

永字上銳紋下端銳紋出武康吳氏墓專也嘉作
嘉隸省與衡方碑采嘉石之嘉字相近

又長一尺一寸厚一寸八分文曰永加二年太歲
戊辰吳文下端銳紋出武康吳氏墓專也吳文無
攷

又長一尺一寸厚一寸四分文曰永嘉三年太歲
在□□□□三日孫氏造出武康孫氏墓專也在
字下四字不可辨

又長一尺厚一寸五分文曰永嘉三年七月十五
日作上端吳文出武康

又長一尺厚一寸四分文曰萬歲永嘉三年上端
萬歲二字出武康

又長五寸五分厚一寸五分文曰永嘉三年反文
下斷上端×文出武康

又長一尺一寸厚一寸七分文曰永嘉四年計氏
作上下端皆古泉文出武康計氏墓專也武康有
計籌山吳興記云越大夫計然嘗籌算于此山下
有計村計姓甚多知武康計氏其來古矣

又長一尺厚一寸五分左側文曰永嘉四年作反
文右側四×文上端錠文出武康

又長八寸六分厚一寸五分文曰永嘉七年八月
下斷一字一格反文出烏程是年四月懷帝被弑
愍帝卽位改元建興民間猶未知也

晉建興專

長八寸三分厚二寸左側文曰建興元年歲在甲
戌貝里右側又文上端書窗文出武康案建興元
年歲在癸酉二年甲戌今作元年甲戌匠人約明
年葬期而預造誤以爲改元必踰年也貝里地名
無攷

又長一尺七分厚一寸五分文曰建興三年太歲

在乙亥下端八月十五作五字

又長一尺厚一寸八分文曰建興三年八月作上
端×文出烏程建作建興作興

又長一尺厚一寸五分文曰建興三年太歲乙亥
吳興東遷胡將軍造出烏程之西余山胡氏墓專
也胡將軍無攷東遷見前錄興作興亥作末年作
丰將作將

又長四寸厚一寸二分文曰建興三年太下斷出
烏程

又長一尺九分厚一寸九分文曰建興三年太歲

在乙亥孫氏造上端文曰萬歲不敗下端文曰傳
世富貴見前錄建作建與天紀元年歲建丁酉之
建同一隸變興作興與張遷碑周宣王中興白石
神君碑遂興靈宮之興同年作年孫作孫皆隸變
傳作傳與夏承碑傳于歷世之傳同說文傳从人
專聲隸省作傳又變爲傳富作富隸省不作不與
孔龔碑帥禮不爽白石神君碑不終朝而澍雨之
不同

又長一尺一寸厚一寸九分文同前

又長一尺一寸二分厚一寸八分左側文同上端

三錢文中間一錢文曰大泉五百見前錄惟前錄所收百字不甚明晰誤釋作日此專百字作百頗爲清晰興作興與尹宙碑漢興魯峻碑陰吳盛子興之興相近泉作泉五作五百作百

又長一尺九分厚一寸八分文同上

又長一尺一寸一分厚一寸九分文曰八月壬戌朔廿日辛巳孫氏造上端文曰永未央下端文曰可久長見前錄辛作辛與孔龢碑十八日辛酉之辛同朔作朔見前可久長亦漢晉人頌禱之詞易林宜家壽母福祿長久說文長久遠也是其義

又長一尺一寸三分厚一寸八分文同前

又長九寸五分厚一寸三分文曰建興四年其歲在壬子孤子錢下泐上端二人形興作興出烏程案建興四年歲在丙子非壬子匠人誤書也書法亦草草

又長九寸四分厚一寸四分文曰建興四年九月二日立功貝貝字下一字泐上端吳衆二字反文出武康吳氏墓專也功作功說文功从力工聲變力爲刀與衡方碑刻亮天功之功字同皆隸變之謠

又長一尺五分厚一寸四分文曰建興四年七月
大丁朔廿上端文曰鄒鉞所立反文見前錄大丁
蓋丁亥之譌鄒鉞無攷興作興年作年

又長一尺厚一寸五分文曰建興五年口作五年
下作字上約十字皆泐上端泉文×文出烏程

晉建武專

長六寸七分厚一寸五分左右側×文上端建武
元年出烏程

又長四寸厚一寸五分文曰建武元年下斷反文
上端×文出烏程

又長一尺一寸三分厚一寸二分文曰建武元年
八月十日兒下一字不可辨反文出武康兒氏墓
專也

晉大興專

長一尺厚一寸四分文曰大興四年八月廿日立
作上端×文泉文出武康興作興

又長一尺厚一寸五分左側文曰大興四年史下
泐右側直格文出武康史氏墓專也興作興匠人
俗字也

又長一尺四分厚一寸六分文曰大興四年吳甯

送故作興作異年作季吳作吳與赤烏專吳冢之
吳同上端×文出烏程送故見前錄

又長一尺一分厚一寸七分文同前

又長一尺二分厚一寸六分文曰大興四年吳甯
送故吏民作釋見前錄出烏程興作興吳作吳从
口从共與魯峻碑陰任城吳盛之吳字同說文去
从山六聲與失字迥別愈變而愈遠矣

又長一尺五分厚一寸五分文曰大興四年八月
平旦上端譚家人三字繆篆下端二錠文出烏程
譚氏墓專也案譚爲譚子之後秦滅譚子孫以國

爲氏漢有譚賢字伯昇太原人見周黨傳南齊有
譚宏寶見孝義封延伯傳湖州譚氏至今尙多

晉永昌專

長九寸五分厚一寸二分文曰永昌元年太歲在
壬午立作上下端有虎頭形出烏程之喬木山
又長一尺四分厚一寸五分文曰永昌元年歲在
壬午八月作出武康

晉太甯專

長一尺厚一寸四分上半花紋下半文曰太甯一
年八月十日凡八字反文出武康

又長一尺八分厚一寸六分文曰太甯元年七月
廿日鄒氏壁上下端皆錠文出武康鄒氏墓專也
甯字反文璧作壁同殼通借字也

又長一尺八分厚一寸六分文曰太甯元年七月
廿日盛氏壁上下端皆錠文盛字反文出武康盛
氏墓專也壁作璧字書無从辟从皿之字說文璧
領鵠也从瓦辟殼篆文瓦字橫書之則似皿字璧
蓋璧之隸變也吳有卽中盛冲墓在長興縣西二
十五里則盛氏固湖州著姓也

又長九寸厚一寸四分文曰大甯三年大歲在乙

酉八月廿九日作出武康九字反文

又長一尺五分厚一寸五分文曰泰甯三年泰歲
在辛酉周氏作出長興周氏墓專也案泰甯三年
歲在乙酉非辛酉匠人誤記也辛作辛漢隸及專
文多如此說文辛大皐也从羊上會意隸變从羊
亦失制字之義

晉咸和專

長一尺厚一寸五分左側文曰咸元年囙包優作
辟右側包優二字出烏程包氏墓專也優作優與
孝廟碑嘉樹優沾之優同一隸變辟作辟與衍方

碑仕郡辟州郡之辟相似辟之隸變璧之借字也
又長五寸厚一寸八分文曰咸和六年歲在丙下
斷右側又文出武康案六年歲在辛卯今作丙匠
人誤記也

又長九寸厚一寸文曰咸和七年下書窗格文出
烏程

又長七寸二分厚一寸五分文曰咸和七年八月
廿日都下斷出長興都氏墓專也都爲希姓不知
所自漢有臨晉侯都稽九眞賊將都羊姓苑云今
吳興人是都氏著籍于湖舊矣

又長五寸七分厚一寸四分左側文曰咸和七年
吳下斷右側上端皆花紋出烏程

又長九寸厚一寸二分文曰咸和七年八月作出
烏程

又長一尺一寸二分厚一寸三分文曰咸和七年
太歲任辰九月廿日制作壁出長興王作任同聲
通借字也釋見前錄制作制

又長九寸三分厚一寸五分左側文曰咸和七年
右側文曰五月十日成出烏程月作月

又長八寸五分厚一寸四分文曰咸和八年八月

十六日作反文出烏程

又長一尺五分厚一寸五分文曰晉咸和十年八月作出烏程年作季案咸和無十年卽咸康元年也匠人約葬期而豫作不知適有改元之事不然正月改元不應八月民間尙未周知也

晉咸康專

長一尺三分厚一寸四分文曰咸康元年八月莫君上端又文出長興莫氏墓專也

又長一尺一寸六分厚一寸七分文曰咸康三年八月六日郡守任侯上端吳中郎作下端如有文

三
不可辨出烏程案郡守任侯其人曾官太守而葬
于此者嘉泰吳興志郡守表無姓任者則非吳興
郡守可知吳中郎蓋造專之人吳作吳與大興專
吳甯迭故之吳同

又長一尺四分厚一寸五分文曰吳山咸康三年
六字反文吳山山名專出烏程治南何山之陰何
山以晉何楷得名或本名吳山後因何楷居之改
名何山然不可攷矣

又長一尺一分厚一寸三分文曰咸康三年八月
錢陟作出烏程錢氏墓專也錢陟無攷

又長九寸八分厚一寸五分左側文曰咸康八作
每字間以直格右側中有二×文上下花紋

又長九寸厚一寸三分左側文曰咸康八年八月
廿日吳右側中連環文上下書窗文上端上書窗
文下×文出武康吳氏墓專也吳作吳

晉建元專

長一尺厚一寸三分文曰建元二年大吉出武康
大吉見前錄

又長九寸厚一寸四分文曰建元三年八月十三
上下端如有文不可辨出烏程

晉永和專

長四寸厚一寸四分文曰永和三年下斷

又長二寸七分厚一寸六分上端文曰永和五年

二月十日左側上截斜格文

又長九寸九分厚一寸五分文曰永和六年八月

三日程琚作上端花紋出武康程氏墓專也案程

爲程伯休父之後見元和姓纂談鑰嘉泰吳興志

引吳興雜錄烏程縣以秦時程林烏巾二家善釀

酒得名則湖州之有程氏其來久矣

又長一尺厚一寸四分左側文曰永和口六年八

月四日作和字下一字衍文不可辨右側惟軍字可識餘不可辨上端八月十三字下端八日造三字出武康

又長一尺厚一寸五分文曰永和七年作凡五字反文出烏程

又長一尺一寸厚一寸七分文曰永和七年下兩泉文星文上端長宜二字出湖南

又長三寸厚一寸三分文曰永和六年下斷上端永和六年八月廿凡七字出武康

又長一尺二分厚一寸三分文曰永和十年甲寅

八月丙子朔廿日汝氏出烏程汝氏墓專也見前錄

晉升平專

長九寸八分厚一寸五分文曰升平二年七月十八日作出武康

又長一尺厚一寸五分文曰升平三年七月廿日辛巳作上端有沈字沈氏墓專也案通鑑目錄升平三年七月丁丑朔辛巳爲五日今作廿匠人誤書也

又長五寸厚一寸二分文曰晉升平四年下斷右

側陳郡長平縣下斷出長興案長平縣晉屬豫州
潁川郡見晉書地理志東漢屬陳國至北魏始有
陳郡之名升平時長平縣已爲魏地想所葬者必
長平人而隨晉南渡者然旣爲晉人當云潁川郡
長平縣不應用北魏地名不可解也

又長五寸三分厚一寸五分文曰升平四年九月
下斷上端泉文出武康

晉興甯專

長一尺二分厚一寸五分文曰興甯元年八月廿
日作上端少施二字出長興少施氏墓專也案元

和姓纂少施姒姓之後見史記

又長一尺一分厚一寸六分左側文曰興甯元年
八月右側文曰莫故鄣郡上端文曰莫元出長興
莫氏墓專也案漢書地理志丹陽郡故鄣郡武帝
更名丹陽史記吳王濞傳正義秦鄣郡今湖州長
興縣西南八十里故障城是也續漢書郡國志丹
陽郡秦鄣郡又云故鄣秦鄣郡所治是故鄣爲鄣
郡所治非郡名也漢武以後並無鄣郡之名專稱
故鄣郡誤以縣名爲郡名矣

又長一尺一寸厚一寸六分文曰興甯二年八月

十日作右側莫都官三字出長興莫氏墓專也案
晉書職官志魏尚書郎凡二十三青龍二年尚書
陳矯奏置都官騎兵合二十五郎晉武受命罷農
部定課置直事殿中祠部儀曹吏部三公比部金
部倉部度支都官二千石左民右民虞曹屯田起
部水部左右主客駕部車部庫部左右中兵左右
外兵別兵都兵左右士北主客南主客爲三十四
曹郎莫都官其人必仕至都官尚書郎郡志失載
惟陵墓載建威將軍日南太守莫封墓在縣南四
里縣志和平鎮有晉建威將軍莫侗墓則晉時莫

氏多顯官而葬于長興者蓋不一其人也

又長一尺一寸厚一寸五分文曰興甯二年九月
十日駱君和俱反文右側魚鱗紋出長興駱氏墓
專也君和無攷駱爲齊太公之後吳有駱統東陽
人居會稽曾孫就晉秦州刺史湖州本漢會稽郡
地也長興有駱灣梁安成王田曹參軍駱祕道所
居其君和之後歟

晉泰和專

長一尺厚一寸三分文曰太和元年八月十日
成作上端有其字出烏程福氏墓專也齊大夫

子舟之後以族字爲氏見元和姓纂福成造專者之姓名不其縣名福成蓋不其人也

又長九寸一分厚一寸三分文曰泰和五年八月一日右側俞公成三字上端俞公成三字俞氏墓專也公成無攷

晉咸安專

長九寸五分厚一寸五分文曰咸安二年太歲在壬申八月廿五日丁氏作出武康丁氏墓專也

晉甯康專

長四寸二分厚一寸三分上端文曰甯康三年朱

司反文出烏程朱氏墓專也

晉太元專

長九寸八分厚一寸五分上端文曰太元三年出
烏程

又長九寸厚一寸三分文曰泰元八年八月廿日
下錠文出武康

又長九寸五分厚一寸六分文曰太元九年八月
一日作反文右側相虎二字反文上端吳年作出
烏程吳氏墓專也吳年無攷相虎疑是吳年之字
漢晉以前以虎爲名字者甚多

又長九寸三分厚一寸二分文曰晉泰元九年七月壬午朔十九日庚子立作上端文曰田熙哲祚篆書反文田氏墓專也田熙哲無攷哲作暨祚與作通

又長一尺三分厚一寸五分上端文曰晉太元十六年出武康

晉義熙專

長八寸厚一寸四分文曰義熙十四年出武康
宋

宋永初專

長一尺四分厚一寸五分以上端文曰永初元年十一月反文出烏程

又長九寸八分厚一寸二分文曰永初二年太歲辛酉八月建功反文出烏程

宋元嘉專

長九寸六分厚一寸五分文曰元嘉七年八月十五日高上端花紋出烏程高氏墓專也

又長八寸五分厚一寸四分左側文曰元嘉十年太歲癸酉右側文同上端文曰苑家作下端同苑氏墓專也案苑氏之先出自苑柏何爲晉樂正漢

有苑鎮字仲弓南陽人官荊州從事見洪氏隸釋
卷十二今湖州尙有苑氏

又長九寸七分厚一寸五分文曰元嘉十三年太
歲丙子起作右側錠文上下端錠文出武康起作
猶起功也

又長九寸七分厚一寸四分左側文曰元嘉十五
年右側八月二字出武康

宋大明專

長八寸厚一寸五分上端文曰大明二年四字宋
文帝第三紀元也出烏程

宋泰始專

長八寸厚一寸三分文曰泰始六年中間古泉文
出烏程

宋辟泰專

長八寸三分厚一寸四分文曰辟泰三年太歲丁
未八月作右側泉文七個上端沈常遷篆四字出
烏程沈氏墓專也案自漢至明無辟泰年號僭偽
者亦無之宋泰始三年歲在丁未辟泰蓋泰始之
誤也或曰當讀泰三年太歲丁未八月作辟匠人
誤以辟字施之上耳割建元一字書之如司氏專

康五年包氏專咸元年之例沈常遷無攷

于甕亭專續錄卷之四

存齋雜纂之三

歸安陸心源剛甫纂

無年月專

角王專

長一尺四分厚一寸五分文曰吳此是角王反文
上端送頭二字出烏程案吳吳國也是作見匠人
省文也角王者四角胡王四角羗王之類後漢書
匈奴傳其大者左賢王次左谷蠡王次右賢王次
右谷蠡王謂之四角次左右日逐王次左右溫禺
鞬王次左右斬將王謂之六角皆匈奴子弟次第

當爲單于者故漢印有四角胡王四角羗王漢鏡有角王巨虛日有熹吳雖與匈奴隔絕南服蠻夷屬役者多或有夷王子弟質吳而寓居吳興者角王本非封爵猶曰諸王子弟耳送頭疑葬者之名猶匈奴之名頭曼也

吳興永安專

長一尺厚一寸五分文曰吳興永安八月廿六日作出烏程案輿地志漢烏程之餘不鄉地吳分爲永安以協謠言見通典武康注祥符圖經漢末童謠云天子當興東南三餘之間吳大帝黃武元年

乃改會稽之餘暨爲永興分烏程餘不鄉合餘杭之境置永安縣晉太康三年平吳改永安曰永康見吳興志卽今武康境地也

富且昌專

長一尺二寸厚一寸七分左側文曰富且昌爵祿
臻下端文曰嗣長殷右側星斗文一字一格篆文
見前錄出烏程爵作祿祿作祿長作長漢印祿字
有作祿者干祿諛福是也有作祿者尹祿私印是
也有作祿者史祿之印是也有作祿者甯祿之印
是也漢碑有作祿者繁陽令楊君碑不踰祿求趨

是也有作祿者夏承碑寵祿傳于歷世是也有作
禰者華山碑福禰來成是也有作祿者度尚碑匪
禰是榮是也有作祿者孔謙碣遭疾不禰是也無
从禾作祿者足補古篆之缺長說文久遠也从兀
从己兀者高遠意也久則變爲亾聲斤者倒亾也
無从土作耑者惟漢瓦當長樂未央之長有作耑
者長生無極之長有作耑者與專耑字相似是專
與甘露潘氏專同出一坑當是宣帝時制作瓦當
爲漢初人作時代相近故字亦畧同爵字篆本作
爵隸省作爵專作獻與爵勅碑爵鹿祖桓之爵相

似已開隸書之漸矣

又一範長一尺一寸五分厚一寸七分文字同前
又一範長同前厚一寸八分文字同前

又一範長一尺六分厚一寸五分左側文同前下
端無嗣長殷三字見前錄

既壽考專

長一尺一寸四分厚一寸六分文曰既壽考宜孫
子出烏程壽作壽與繆篆分韻所載夏侯壽印之
壽字相似

永秘傳專

長一尺六分厚左側一寸右側一寸四分下端文
曰永祕傳三字右側萬歲不敗四字一字一格出
烏程見前錄萬作萬歲作尙不作永敗作胤皆繆
篆之變文也

申酉專

長九寸六分厚一寸二分文曰申酉太歲己丑管
道人下端兩格又文見前錄申酉二字漢人多連
用易林蹇蹇側跌申酉爲災又曰申酉敗時陰匿
萌作又曰申酉跌墓耄老衰去又曰申酉脫服牛
馬休息袁子正論歲在申酉乞漿得酒皆申酉二

字並舉翼奉傳言王者吉午酉或亦吉午酉之意也五行大義論生死篇木受氣于申胎于酉養于戌生于亥沐浴于子冠帶于丑臨官于寅王于卯衰于辰病于巳死于午葬于未火受氣于亥胎于子養于丑生于寅沐浴于卯冠帶于辰臨官于巳王于午衰于未病于申死于酉葬于戌金受氣于寅胎于卯養于辰生于巳沐浴于午冠帶于未臨官于申王于酉衰于戌病于亥死于子葬于丑水受氣于巳胎于午養于未生于申沐浴于酉冠帶于戌臨官于亥王于子衰于丑病于寅死于卯葬于辰

于辰土受氣于亥胎于子養于丑寄行于寅生于卯沐浴于辰冠帶于巳臨官于午王于未衰病于申死于酉葬于戌戌是火墓火是其母母子不同葬進行于丑丑是金墓金是其子義又不合欲遷于未未是木墓木爲土鬼不畏敢入進休就辰辰是水墓水爲其妻於義爲合遂葬于辰昔舜葬蒼梧二妃不從故知合葬非古然季武子云自周公以來未之有改詩云穀則異室死則同穴蓋以教其義合骨完同歸水土共墓正取此也此申酉之見于五行生死者也又論四時休王篇春則庚辛

申酉囚夏則庚辛申酉死六月則庚辛申酉相秋
則庚辛申酉王冬則庚辛申酉休此申酉見于四
時休王者也又論配支幹曰甲乙寅卯木也位在
東方丙丁巳午火也位在南方戊己辰戌丑未土
也位在中央分王四季寄治丙丁庚申辛酉金也
位在西方壬癸亥子水也位在北方此申酉之見
于于支方位者卽地理家羅盤之肇端水經注中
屢有其說穀水注晉水合北川二水自乾至巽汝
水注青陂廟碑言陂在縣坤地清水注張伯雅墓
引水入瑩城爲沼沼在丑地汚水注丙穴穴口向

丙是也淮南天文訓寅爲建卯爲除辰爲滿巳爲
平主生午爲定未爲執主陷申爲破主衡酉爲危
主杓戌爲成主少德亥爲收主大德子爲開主太
歲丑爲閉主太陰此申酉之見于建除家法者也
太公六韜云開牙門當背建向破專文申酉二字
或主五行生死或主四時休王或主向背或主方
位未敢臆斷然以水經注證之羅盤之法六朝固
已大行當指方位爲近道人謂道家者流漢書京
房傳道人始去涌水爲災注道人有道之人地理
志代郡道人縣注云本有仙人遊其地因以爲名

是道人之稱其來久矣

萬世永封專

長九寸五分厚一寸八分文曰管萬世永封下×
文管氏墓專也

歲在壬午專

長一尺厚一寸二分文曰歲在壬午年平安上端
魚形出武康

七月十九專

長八寸五分厚一寸二分上端文曰七月十九日
左側花紋

鄒公八月專

長九寸三分厚一寸五分左右側鄒公二字一格八月二字一格間以花紋上端蕉葉文鄒氏墓專也東遷專

長五寸七分厚一寸三分文曰東遷二字一字一格出烏程釋見前錄

會稽張顯專

長一尺厚一寸五分文曰會稽張顯建專中間泉文出上虞張氏墓專也案說文專六寸簿也一曰紡專也簿本以木爲之紡專易之以土形如六寸

簿故亦名專因紡專而瓠璧亦名專玉篇廣韻皆無塼字至集韻而始有塼磚甄三字可知晉六朝以前皆以專爲之以此專證之益信詩斯千篇載弄之瓦傳紡專也荀子是猶以塼塗塞江海也字本作專其作塼者皆唐以後人傳寫所改也張顯無攷上虞葛少尹兆奎所贈得之其宅後圃中

諸葛始豐專

長六寸五分厚一寸文曰瑯琊陽城諸葛始豐君之墓出上虞案後漢書郡國志瑯琊國秦置郡晉爲國統縣九曰開陽曰陽都曰臨沂曰繒曰卽丘

曰華曰費曰東安曰蒙陰漢書諸葛豐字少季瑯琊人三國志諸葛孔明兄弟三傳皆云瑯琊陽都人豐後諸葛始豐旣籍陽都必豐之後不應與遠祖同名考諸葛恪之孫恢仕晉爲會稽內史最久樂其風土遂家焉見諸葛氏譜始豐必恢之後代遠年湮遂致數典忘祖耳由是推之此專非漢制矣

潘氏專

長一尺厚一寸四分文曰吳興烏程潘氏造一字一格篆文出烏程潘氏墓專也

又一範尺寸文字同前

胡氏專

長一尺一寸五分厚一寸七分文曰吳興烏程胡氏造一字一格胡氏墓專也出烏程

又長一尺一寸厚一寸一分文同前一字一格與建興三年胡將軍專同出西余山

元年八專

長五寸五分厚一寸二分左側×文上端元年八三字出烏程

辛亥作功專

長七寸厚一寸四分文曰八月辛亥作功下端三字不可辨末一字似倫字出武康

楊公大專

長九寸五分厚一寸六分文曰口年八月下端楊公大建左側錠紋出武康楊氏墓專也楊公六無攷

黃字專

長四寸厚一寸五分文曰黃下一字似趙字下斷上端錠紋

力助專

長四寸五分厚一寸五分文曰力勛八月作上斷
下端銳紋出長興力勛人名黃帝臣力牧之後
家居富波里專

長五寸厚一寸六分文曰癸丑謝氏作下端家居
富波里出長興卽元康五年專之下半謝氏墓專
也富波里里名蓋卽富陂在長興縣東三十五里
輿地紀勝云晉武帝太康三年立長城縣富陂村
卽此又攷嘉泰吳興志荆溪鄉有魚陂里而順零
鄉復有魚陂里魚陂在縣南荆溪鄉是也順零在
縣東其魚陂里當爲富陂里之誤

姓侯居富波專

長四寸五分厚一寸五分文曰丑謝氏作上斷下
端姓侯居富波出長興謝氏墓專也富波見上
元生作專

長五寸八分厚一寸六分左側書密文花文上端
文曰元生作出烏程元氏墓專也案元和姓纂元
爲衛元咺之後元生無攷

癸酉朔專

長四寸五分厚一寸五分文曰癸酉朔三日創立
上斷出烏程

孝子專

長八寸二分厚一寸七分文曰元年六月丙申朔
卅日孝子上缺下斷案通鑑目錄漢武帝元封元
年元帝永光四年成帝元延元年宋營陽王景平
元年皆六月丙申朔此專字畫古勁與漢甘露本
初專相頡頏決非宋製當定爲漢物可無疑也

吳陽專

長四寸三分厚一寸四分上端文曰吳口陽吳字
下一字似俊字左側有昌字古泉文斜格文又文
出武康

十七日專

長五寸八分厚一寸四分上斷文曰辰朔十七日
作訖下斷

故鄣專

長四寸八分厚一寸七分上斷文曰在癸未故鄣
王王氏墓專也故鄣縣在今武康縣境

陳蠋專

長五寸厚一寸七分左側萬下斷上端陳蠋二字
出武康陳氏墓專也陳蠋無攷說文有蠋字無蠋
字蠋字恐是蠋之俗作或曰卽融字也

施俱專

長五寸三分厚一寸七分文曰施俱所作一字一格出烏程施氏墓專也施俱無攷

在丙戌專

長五寸五分厚一寸四分文曰七月太歲在丙戌施下端×文

君富貴專

長一尺一寸四分厚二寸二分左側萬歲不敗四字下端君富貴三字一字一格繆篆出安吉富作富與尹宙碑富波侯相之富同貴作買幾與買字

無別萬作萬歲作歲皆當時俗字不作丕敗作賄
與篆文合

范氏專

長一尺一寸厚一寸八分左側萬歲不敗右側范
氏二字上端萬歲二字下端有范字出烏程范氏
墓專也

大吉專

長一尺六分厚一寸一分左側花文上端大吉作
上有花文出烏程

虎頭專

長一尺一寸八分厚二寸文曰萬歲不敗古篆文
上端虎頭形出鳥程

已未大吉專

長一尺二寸厚一寸五分文曰萬歲不敗已未大
吉作上端古篆文出鳥程蓋作于已未歲也

萬歲五銖泉專

長一尺一寸厚一寸六分文曰萬歲不敗上端萬
歲平面五銖泉五間以花文繆篆出鳥程萬作萬
歲作倫不作不敗作𠂔

萬歲魚鳥專

長一尺一寸二分厚一寸七分文曰萬歲不敗上
端魚鳥形出安吉萬木二字同前歲作歲敗作賜
萬歲魚專

長一尺一寸厚一寸五分文曰萬歲不敗上端魚
形出安吉

萬歲雙虎頭專

長一尺一寸厚一寸五分文曰萬歲不敗上端雙
虎頭形出烏程

萬歲不敗專

長一尺二寸厚一寸六分文曰萬歲不敗繆篆文

出烏程萬作禽歲作請不作𣥂敗作𣥂皆繆篆之變

又長一尺一寸厚一寸八分文曰萬歲不敗上端萬歲二字皆繆篆文出烏程萬作禽歲作歲不作𣥂

建志專

長九寸五分厚一寸五分左側古泉文四一泉一格下有朱字上端建志卜兒四字出烏程案建爲楚太子建之後以名爲氏漢元后傳有建居趙幽王臣有建德見風俗通氏族畧建志造專者之姓

名也或曰朱其姓建志其名卜兒者卜葬其子之
謂猶屠玉專之屠玉兒子也

甲丙丁丑酉專

長一尺五分厚一寸四分文曰萬歲不敗古篆文
上端甲丙丁丑酉五字甲字上有直格出烏程

萬歲康專

長一尺厚一寸五分文曰萬歲康福慶長上端范
氏貴三字下端古篆文出烏程范氏墓專也萬歲
康福慶長皆頌禱之辭易林先知吉祥言嘉福慶
又曰澤被殊方福慶隱伏又曰逢時積德身受福

慶又曰先見善祥吉盛福慶又曰老賴福慶光榮
相輔又曰受其福慶永降其祥

萬歲虎頭專

長一尺厚一寸五分文曰萬歲不敗下端虎頭形
出烏程

千秋萬歲專

長八寸七分厚一寸二分文曰千秋萬歲四字篆
文出烏程

吳冢專

長六寸厚一寸四分文曰造作吳冢吉下斷上端

萬歲出烏程吳氏墓專也

虎形專

長四寸二分厚一寸五分以上端全虎形左側萬字
下斷出烏程

龍形專

長一尺二分厚一寸四分以上端萬歲左側龍形出

烏程

孟有千年專

長一尺厚一寸五分文曰萬歲不敗繆篆下端孟
有千年出烏程與建衡專同出一處孟氏墓專也

或曰管子註孟大也文選注孟勉也言大有千年
與大吉祥大富貴同意勉有者亦冀幸頌禱之詞
也

千千萬吉專

長一尺五分厚一寸五分文曰萬山不敗富貴吉
上端文曰千千萬吉以山爲歲匠人之省文也出
烏程

大吉昌專

長一尺一寸三分厚一寸五分文曰大吉昌宜侯
王上端君宜官三字一字一格出安吉

大吉宜子孫專

長一尺一寸八分厚一寸八分文曰萬歲不敗上
端大吉子孫出烏程

平安富貴專

長一尺五分厚一寸七分文曰口千萬歲平安富
貴下端世平安出烏程皆頌禱之辭

富貴專

長一尺一寸八分厚三寸三分上下花紋中間富
貴二字並列姚彥侍方伯所贈出四川富作富

長壽貴專

長一尺二寸四分厚一寸九分文曰長壽貴上端
安樂二字古篆文出烏程

宜僊壽貴專

長一尺一寸三分厚一寸二分文曰宜僊壽貴上
端文曰宜仙皆繆篆陰文出長興案宜仙壽貴皆
頌禱之辭說文僊長生僊去也从人𠂔聲劉熙釋
名老而不死曰僊僊遷也遷入山也愚謂此亦生
僊專宜僊者希冀不死也

僊壽貴專

長一尺厚一寸六分文曰僊壽貴下端僊字可辨

下一字泐古篆陰文出烏程

萬世百萬專

長一尺八分厚一寸八分文曰萬世不敗百萬反
文下端花紋百萬亦頌禱之詞

大吉子多專

長一尺六分厚一寸四分文曰大吉子多所宜下
×文出紹興

萬歲無極專

長一尺厚一寸五分文曰萬歲無極子孫千出烏
程案皆頌禱之辭秦瓦當文曰與天無極漢瓦

文曰長生無極長樂無極武帝刻石曰與天無極
人民蕃息易林長生無極子孫千億又曰隆我福
祉貴壽無極皆其證也

歲在辛巳專

長七寸六分厚一寸七分文曰歲在辛巳七月十
日造下端富貴宜壽出烏程

宜子孫衆多專

長一尺四分厚一寸九分文曰萬年宜子孫衆多
上端有年字出長興衆作冊與繆篆分韻所收張
衆之冊同一省文多作拙與繆篆分韻所收曹多

之謂同一變體宜子孫衆多皆頌禱之辭莊子天
道篇堯觀乎華華封人祝曰使聖人壽使聖人富
使聖人多男子

富貴老專

長四寸七分厚一寸八分文曰富貴老下斷上端
月形下有米字出長興米氏墓專也

富貴安專

長四寸六分厚一寸六分文曰富貴安右側宜永
昌出長興昌作圖

大吉羊專

長四寸八分厚一寸下端大吉羊三字左側四字
可辨者作付二字出鳥程案說文从竦手也從步
又引也從反収

魚形專

長一尺一寸厚一寸七分左側上下魚形中間泉
文花文下端魚形

魚形花紋專

長一尺七分厚一寸六分左側中間魚形上下書
窗文上端古文篆文

花紋專

長一尺厚一寸五分八卦文星斗文

章氏專

長一尺一寸厚二寸二分上端章氏二字左側古
泉三間以斜格文出烏程章氏墓專也

五銖泉專

長一尺二寸厚一寸八分上端五銖泉二左側斜
格文

八月大吉專

長一尺一寸厚一寸文曰八月大吉宜侯王車世
作上端又文出烏程專氏墓專也案說文車重小

謹也專六寸簿也从寸重聲重者專之省文也專氏不知所自出吳有專諸或曰重世借爲傳世也朱君專

長一尺三分厚一寸二分左側文曰此是朱君所作旺可立上端文曰世世相傳下端文曰萬世不敗出烏程

徐服專

長九寸八分厚一寸二分文曰徐服字行先徐字上二字不可辨出烏程徐氏墓專也徐服無攷案徐氏墓在郡境者漢有日南九江二郡太守徐禹

立節校尉海西侯徐鴻吳有安東侯徐盛五官中
郎將徐典晉有秘書監徐廣則徐氏固吳興大族
也

屠玉兒子專

長九寸二分厚一寸三分文曰屠玉兒子豕長生
上端屠錢壁下端萬年吉三字出烏程見前錄案
兒子二字雖俗其來已久史記齊悼惠世家兒子
畜之張釋之傳教兒子不謹漢書高帝紀鄉者夫
人兒子皆以君魏志王昶傳書戒兄子及子曰郭
伯益宏曠不足輕貴有餘不願兒子爲之徐偉長

不治名高惟道是務願兒子師之劉公幹性行不
均少所拘忌不願兒子慕之任孝先淳粹履道內
敏外恕願兒子遵之皆漢人語也

高氏專

長五寸九分厚一寸四分文曰年八月十五日高
上缺高氏墓專也出烏程

萬建專

長三寸一分厚一寸八分文曰朔廿六日萬建上
缺萬氏墓專也出烏程

施氏造專

長六寸八分厚一寸四分左側文曰八月甲子施
氏造右側上斜方格文下錠文